

經史避名彙考

經史避名彙考卷二十五

海寧周廣業耕厓

宕地二

宋

孝穆趙皇后諱安宗

南史及御覽引宋書無宗字宮闈小名俱諱安宗今本武

帝母受禪後追崇

孝懿蕭皇后諱文壽武帝继母尊太后少帝加太皇太后

武敬臧皇后諱愛

親宋初追贈

武帝張夫人諱闕少帝生母尊太子宫曰永樂文帝降太妃

廣業案諱闕者史失其名猶後漢書言諱某也下文云不

知何郡縣人

物史作不錄之以備史例

少帝司馬皇后諱茂英文帝降太妃

文帝胡太后諱道女

御覽引宋書作道安

武帝娘好文帝追尊立廟

文元素皇后諱齊嬌

孝武昭路太后諱惠男文帝淑妃孝武所尊宮曰崇憲

孝武文穆王皇后諱憲娘廢帝尊太后宮曰永訓

前廢帝獻何皇后諱令婉

明宣沈太后諱容姬

宋書諱容姬也容下脫四字

文帝娘好

明帝追尊

明恭王皇后諱貞風廢帝尊太后宮曰宏訓

南齊書陸澄傳宋泰始初澄為尚書殿中郎議皇后諱及

下皆依舊稱姓

南史作及皇后諱班下應依舊稱姓

左丞徐爰案司馬孚議

皇后不稱姓春秋逆王后於齊澄不引典據明而以意立

議坐免官

曰

衣領職廣業案宋書明帝紀泰始元年十二月

乙亥追尊所生沈婕妤曰宣皇太后戊寅崇太后為崇憲

皇太后立皇后王氏是則澄所議為此三后諱明矣云班

下依舊可知宋世前後諸后諱無不班降列榜者至稱姓

之議孚言誠辨然周禮同姓雖百世不通婚姻故婦人必

表其姓氏魯昭公娶孟子而諱姓非其明驗歟

後廢帝陳太妃諱妙登明帝貴妃即賜李道兒者宮曰宏化

後廢帝江皇后諱簡珪後降蒼梧王妃

順帝陳太妃諱法容明帝昭華順帝養母尊太妃廣紫梁  
書后傳宋泰豫元年六月議百官以吏敬敬帝所生陳太  
妃是明帝在時百官未有敬也

順帝謝皇后諱梵境禪位後降王妃

附

吳興長公主諱崇男武帝第二女常侍王蓋尚

豫章康長公主諱欣男炳史作武帝少女衛將軍何瑒尚

新蔡公主諱英媚文帝第二女南濟陰太守何邁尚

臨川長公主諱英媛文帝第六女東陽太守王恭尚 以上

四主后妃傳皆書諱以尊之若孝武女山陰公主楚玉臨  
淮康哀公主楚佩皇女楚瑋康樂公主修明又明帝女晉  
陵長公主伯姬建安長公主伯媛則遂名之尊卑之分也  
宋諸主皆嚴妬太宗深疾之使近臣虞通之撰妬婦記左  
光祿大夫江湛子敷當尚世祖女臨海公主帝使人為敷  
作表讓婚極言尚主之患帝以表編示諸主其所以懲戒  
者至矣然如廢帝之納豫章東昏之淫山陰中書亦可配  
矣

案宋武帝臨崩手詔曰後世若有幼主朝事一委宰相  
母后不煩臨朝此殆有鑒於晉故能遠慮元嘉以後椒

庭綬觀雖繁而權無外授由此道也其內諱史無明文  
以陸澄議證之自見然如蕭后諱文壽而其孫謚亦曰  
文王后諱憲嫔而路后宮亦曰崇憲是亦未嘗偏諱也  
齊

宣孝陳皇后諱道正

南史作道止

受禪後追尊

高昭劉皇后諱智容受禪後追贈

齊書禮志晉武泰始二年有司奏故事皇后諱與帝諱俱  
下詔曰禮內諱不出宮近代諱之也建元元年太常上朝  
堂諱訓僕射王儉議曰后諱依舊不立訓其有人名地名  
犯太常府君及帝后諱者皆改詳帝廣業案志先引晉詔

次叙儉議則知所謂依舊者仍晉制也據云人名犯后諱者皆改考太祖紀孝昭二后俱建元元年追尊而當時高帝及衡陽王道度始安王道生名皆連道字明帝諸子皆以智為字和帝字智昭又兼犯武穆皇后諱雖云不徧諱而祖孫子母間動多干犯殊所未安豈董仲舒所云字子以母別眇固不可以觸諱例乎

武穆裴皇后諱惠昭世祖追尊

文安王皇后諱寶明鬱林尊太后稱宣德宮南史云置男左右三十人前代所未有也

鬱林王何妃諱靖英初為皇后後降



海陵王王妃諱韶明

南史作韶明疑  
宋書沿晉諱

初為皇后後降

明敬劉皇后諱惠端高宗即位後追尊

宋惠字與武穆相

犯文選注引蕭子顯齊書亦然

東昏褚皇后諱令璩後廢為庶人

東昏潘淑妃名玉兒本姓俞名尼子王敬則妓也或云宋文

帝有潘妃在位三十年於是改姓潘其父寶慶亦從改焉

南史思  
倖傳

容齊續筆云蔡京禁蘇氏學斬春士獨杜門注其詩石仲

仲為黃門尉請借閱之臣鑑十隨意抽讀得和楊公濟梅

花十絕月地雲階漫一尊玉奴終不負東昏注云玉奴齊

東昏侯潘妃小字仲仲曰所注止此乎曰然仲仲曰唐牛僧孺所作周秦行紀記入薄太后廟見古后妃輩所謂月地雲階見洞仙東昏以玉兒故身死國除不欲負他乃是此篇所用先生何為沒而不書士人恍然失色不復一語顧其子然紙炬悉焚之仲仲勸姑留之不可曰吾枉用工夫十年非君幾貽士林嗤笑仲仲每談其事以戒後生但玉奴乃楊貴妃自稱潘妃所名玉兒也廣業案楊貴妃自稱玉奴亦無實據直行紀誤耳

和帝王皇后諱葬

仙傳華禪位後度為尼

案諸王二后與壽林海陵二后齊書皆不曰諱而曰名

蓋依蕭子顯原文書之南史皆改書諱則以在后位時  
曾經班下故也今從之然書名書諱史自有別何后淫  
恣降妃亦宜王妃則從夫之爵非其罪也

梁

文獻張皇后諱尚柔武帝受禪追尊武帝受

案梁書后傳書太祖獻皇后張氏諱尚柔以下並然陳  
書后傳獨宣后書章氏餘則否此姚氏創例而復自亂  
之今從南史已歸畫一北魏以後又自有說

武德郝皇后諱徽受禪後追崇配祀北郊

武丁貴嬪諱令光昭明太子簡文帝生母追尊穆太后

梁書后傳貴嬪生於樊城有神光之異紫烟滿室故以光為名薨之日吏部郎張纘奉詔作哀策文有云樞電繞郊神光照室又云婉如之人休光赤舄蓋紀實也廣業案武帝為宋公時郁后已薨為之立廟及受齊禪不復立后貴嬪位在三夫人上實亞后也昭明定位有司奏曰皇太子副戴宸極率土咸執吏禮既盡禮皇儲則所生不容無敬凡王侯妃主常得通音問者及六宮三夫人雖與貴嬪同列並應以敬皇太子之禮敬貴嬪宋元嘉中始興武陵國臣並以吏敬敬所生潘淑妃路淑媛貴嬪於宮臣雖非小君其義不異與宋恭豫朝議百官以吏敬敬帝所生陳太

妃事義正同謂宮闈施設宜同吏禮詣神獸門奏歲致謁  
年節稱慶亦同如此婦人無閭外之事賀及問訊幾什所  
由官報聞而已且諸妃作配率由義則以婦踰姑彌乖從  
序謂貴嬪典章不異太子於是脩典章禮數同於太子言  
則稱令據此則貴嬪之諱亦率土同諱矣然二字止禁連  
呼故言仍稱令而哀策亦不避光字也

武帝吳淑媛名景暉本齊宮人七月而生豫章王綜貌似東  
昏綜後奔魏改名讚見洛陽伽藍記

簡文王皇后諱靈賓即位追崇

文宣阮太后諱令羸本姓石武帝修容文帝生母即位追尊

陸下疑此郡王作徐  
五環系本作環

元帝徐妃諱昭佩 案徐妃淫妬死又長還元帝自以為出  
妻本不足錄但史列其諱不可削也若南史所補敬帝憂  
太后王皇后皆無諱于例宜略矣

附

安吉公主名玉誌武帝女王寔尚南史載寔衣冠傾倚長沙  
郡王出襖見之意殊惡寔寔稱主名謂王曰蕭玉誌念寔  
陛下何見憎王驚起廣業案高祖諸女名皆連玉永  
興公主玉姚即臨川王宏所與私通同謀弑逆者也又有  
永世公主玉婉永康公主玉環而臨安安吉長城三主並  
有文才安吉尤得令稱念寔雖屬戲言而主之雍肅不驕

亦可想矣

宋梁世后諱初無炳據且如獻后諱尚柔而沈約德后  
謚議曰柔範陰化儀刑自遠德后諱徽而王筠昭明太  
子哀冊曰永傳徽於舞綴又觀德業於徽謚丁嬪阮后  
名皆連令其禮究何準也豈以高祖配德早終長秋曠  
位而太宗世祖出自儲藩妃並先殂又不建叔圖故典  
章闕略歟竊謂但詔與率由宋齊之舊宜無更革當更考  
之

陳

武宣章皇后諱要兒本姓鈕世祖尊為太子宫曰慈訓廢帝

尊太皇太后

文沈皇后諱妙容廢帝尊太子宫曰安德後入隋又歸江南  
宣柳皇后諱敬言後主尊太子宫曰宏範入隋

後主沈皇后諱婺華入隋煬帝隋亡被殺為毗陵天靜寺尼名觀  
音

後主張貴嬪名麗華為隋煬帝所斬

案陳書言作僊天則變費王化宣太后有其懿焉文宣  
以下盡作隋俘豈必景陽宮井始稱辱乎

後魏

神元皇后竇氏



案自元魏以降后諱多闕非盡不敢斥言意上榜班諱之制已與江左異也今惟創業一后書之餘不概列後放此魏齊書后傳皆曰某氏北史因之惟後周書仍繫姓於皇后之上隋唐諸書又皆書氏隨時損益無繫重輕今悉仍之

道武妃名萬人 宋書索虜傳道武暴虐有神巫誡以誅清河殺萬民乃可免禍因滅清河一郡常手殺人欲令滿萬夜恒變易寢處唯受妾名萬人知其處萬人與清河王私通慮事覺伺道武獨處殺之道武臨死曰清河萬人之言乃汝等也

案天賜之末已立中宮餘妾或稱夫人萬人既所專寵當時必有位號神巫不敢斥言萬人而曰萬民蓋亦尊諱之此事魏書帝紀不載而清河王紹傳殺道武者乃紹與其母賀夫人云夫人美而麗會有譴幽之於宮將殺之因密告紹紹夜踰宮犯禁道武暴崩然則宋書所稱愛妾即賀夫人也豈亦如梁豫章王之於吳淑妃高齊馮翊王之於鄭妃耶齊書魏虜傳又謂獻文字萬民魏書帝紀亦不載

附

壽陽公主字莒犁莊帝妹梁豫章王綜尚主容色美麗綜甚

敬之與公主語常自稱下官及京師傾覆爾朱世隆取主  
至洛陽逼之主罵曰胡狗敢辱天王女乎世隆怒縊殺之  
覲路陽伽藍記 案北朝公主名字史亦罕傳壽陽及隋  
阿五俱節烈可嘉故錄之

案魏書皇后傳始竇后終孝靜高皇后皆不著諱無可  
考見乃其得姓之始竇由托跋其興也以天女其亡也  
以靈后冊立則卜於金人之成否生男則同於雲陽之  
賜死六宮故事與南夏不同然如桓帝后邾氏北史作  
賊平丈而攝國事時有女國之稱文明馮后之專恣考  
丈馮后之淫亂已足壞其家法及胡太后之臨朝也始

猶曰殿下後改令稱詔羣臣上書曰殿下自稱曰朕以  
明帝幼冲欲依周禮夫人與君交獻之意殿行祭禮侍  
中崔光據漢和熹薦祭故事后遂攝行初祀其他淫虐  
非一雖內諱無聞亦何當於國是哉又北史陳奇傳載  
潁雅製昭皇太后碑文稱后名字之美比論前魏之甄  
后奇刺發其非雅以為奇所造論死一謚法比擬之失  
如此其嚴則犯諱者更不知若何矣

北齊

神武明皇后姜氏諱昭君文宣尊太后宮曰宣訓濟南尊太  
皇太后孝昭時復為太后改姓石氏後配祀北郊神州

北史武成帝大寧二年寢疾用巫媼言改姓石氏徐之才  
善醫尤妙方術其弟之範入診候太后病內史皆令呼太  
后為石婆蓋有俗忌故改名厭之也之範告之才曰童謠  
云周里跂求伽豹祠嫁石婆斬冢作媒人唯得一量紫絰  
靴令太后忽改名私所致怪之才曰跂求伽胡言去己豹  
祠嫁石婆豈有佳事廣業崇婁后生六子文襄文宣孝昭  
武成皆踐帝位乃其崩也武成緋袍如故宮閭蒸淫穢聲  
彰露夢龍之感未必皆吉祥也

馮翊太妃鄭氏名大車本魏廣平王妃神武納之生馮翊王潤  
文宣皇后李氏諱祖娥天保十年改可賀敦皇后孝昭初降

居昭信宮

後主皇后穆氏名邪利本斛律后從婢小字黃花字舍利宮中稱舍利太監時童謠曰黃花勢欲落清觴滿盃酌言黃花不久也後主自立穆后後昏飲無度故言滿盃酌也

馮淑妃名小憐大穆后從婢也大穆后以五月五日進御號曰續命入周以賜代王達見北史

案高齊宮閭聚麀易內行同禽獸武成逼亂祖娥而倖臣和士開與胡后對坐握梨致相姦通後同沙門曇獻寢處至羣僧謂獻為太上齊七入周姿行姦穢報施詎或爽哉

後周

孝閔元皇后諱胡摩帝被廢出俗為尼後居崇義宮齊亡出居里第

武帝李皇后諱娥姿宣帝尊帝太后大象元年改天元帝太后又尊天皇太后二年尊天元聖皇太后靜帝尊大帝太后入隋為尼改名常悲時又尊武帝阿史那皇后為天

元上皇太后冊文皆首稱天元皇帝臣諱其上皇太后冊云增奉鴻名光緒常禮云雖率由令典夙奉徽號而因心盡敬未極尊名是用思

宏稱首上昭聖德觀此則當日尊諱可知矣又帝於後宮與皇后等列坐用宗廟禮器樽羹珪璜之屬以飲食對臣

下自稱為天又不聽人有高大之稱禁天下婦人不得施粉黛之飾唯宮人得乘有輜車加粉黛焉侈淫如此誰敢斥及內諱者

宣帝楊皇后諱麗華號天元皇后尋又立天皇后及左右皇后與后為四又冊后為天元<sup>大</sup>皇后俄又立天中大皇后與后為五靜帝尊為太后居宏聖宮后父即隋文帝禪代後封樂平公主

宣帝朱皇后名滿月靜帝生母初為天元皇后冊加則天太皇太后靜帝尊帝太皇后入隋為尼改名法淨。案后度為尼始後魏宣武高太后居瑤光寺胡太后末年爾朱榮稱兵渡



河后名肅宗六宮皆令人道后亦自落髮崇遣騎拘之洛陽伽藍記云瑤光寺武帝所立椒房嬪御學道之所爾朱入洛恣其淫穢京師有瑤光寺尼奪女婿之語字文而後廢后率循故轍卒有禍亂亦安見其清淨哉

宣帝陳皇后名月儀初為天左皇后冊加天左太皇后又稱天中大左太皇后冊云咨爾儀範柔閒恭履凝潔后既名月儀冊

不應首用儀字當有訛脫

宣帝元皇后諱樂尚

北史作樂尚

初為天右皇后改天右大皇后

帝崩為尼改名華勝

宣帝尉遲皇后諱熾繁冊為天左大皇后帝崩為尼改名華

勝

宣帝尉遲皇后諱熾繁冊為天左大皇后帝崩為尼改名華

道後周書作華  
首今從北史

靜帝司馬皇后名令姬隋文受禪廢為庶人後嫁李丹

案後周書皇后傳於后諱皆書曰名其論以高祖結婚  
突厥為棄同即異又柄用外戚以致喪祚加以宣帝淫  
縱冊立五后尤效劉聰而諸后皆亡國之遺嬰托身淫域  
死無尊謚故特從貶損北史亦遂仍之然元后魏文帝  
女楊后隋文帝女皆貴族也獨李陳二后出自微賤耳  
今改為諱以從本書之例云

隋

元明呂皇后字苦桃高祖追崇 隋書外戚傳開皇初濟南

郡上言有男子呂永吉自稱有姑字苦桃嫁為楊諱妻

本諱字作口注云廣宋本諱案此是楊也非廣也今從北史 勸驗知是舅子永吉從父

道貴性頑驕初自鄉里徵入長安上見之悲泣道貴略無

戚容但連呼高祖名白種未定不可偷大似苦桃姊是後

屢犯忌諱上甚恥之乃令厚加供給不許接見朝士

文獻獨孤皇后諱伽羅 隋書無諱北史云諱伽羅而隋書外

戚傳后兄獨孤羅字羅仁與后名下一字正同北史獨孤

信傳亦然考后為信第七女乃入閤後娶崔氏所生羅為

信嫡長子信歸周後羅為齊所囚後寓中山與后久相失  
故命名不嫌同歟文帝受禪後后每與上言政事往往意  
合宮中稱為二聖惟妬忌性成卒致廢嫡溺寵以亡其國  
獨孤誤我悔之晚矣

煬帝蕭皇后法號莊嚴 長安志皇城大總持寺煬帝立制  
度與莊嚴寺同范宓景龍文館記曰隋主自立法號稱總  
持呼蕭后為莊嚴因以名寺

附

蘭陵公主字阿五高祖女儀同王奉孝尚卒適柳述煬帝時  
述徙嶺表令主離婚主表請免主號與述同徒不聽憂憤

卒

唐

高祖太穆神新聖皇后竇氏太宗追尊太穆高宗益神聖

太宗賢妃徐氏名惠廣業嘗見元武宗至大三年康哈令王

徐惠妃考唐書后妃傳皇后下有貴妃淑妃德妃賢妃是為夫人開元時以后下夜有四妃非是乃惠麗華三妃

則太宗時無惠妃乃誤以妃之名為爵號也

高宗則天順聖皇后武氏諱墨本太宗才人賜號武媚高宗

時由昭儀高宗紀進皇后上元初帝號天皇后亦進號天

后中宗尊太后未幾廢中宗為廬陵王臨朝稱制號聖母

神皇自名聖改詔書為制書自稱聖神皇帝降皇帝為皇

嗣賜姓武又自加號金輪聖神皇帝中宗復位徙上陽宮  
謚則天大聖后開元中去大天寶中益謚順聖 案新舊  
唐書武后有本紀又有列傳紀書諱墨傳則略之製名在  
載初元年去永徽六年冊立時已三十有六年矣其始立  
也高宗命羣臣及四夷酋長朝后肅義門內外命婦入謁  
朝皇后自此始每視朝殿中垂簾帝后偶坐生死賞罰惟  
命羣臣朝見四方奏章及天下稱之皆曰二聖嗣聖而後  
則儼然帝制自為矣武媚娘本曲名隋煬帝在東宮使唐  
令則歌之親新書后賜號武媚曰以爲受命之符太史迦  
葉志忠所謂天后世歌武媚娘也後傳宮中呼為阿母子

尚為天子我何嫌宮中謂武后為阿母子又案新書后傳既云載初中改詔書為制書則然天后之世不應有詔乃其下詔并州文水縣為武興又矯詔密詔等凡數見惟封泰山稱自制耳此史臣所改雖偽朝不足準式究非傳實之道也且如詔舉科改為制舉至宋猶為謂之制科今人科舉之文亦曰制義豈能盡矯正之乎餘詳帝王

高宗上官昭容名婉兒附武氏為元宗所誅

元宗貴妃楊氏小名玉環

觀顰

皇道號太真安祿山反隨幸

蜀縊路祠下新書元宗紀開元二十八年以壽王妃楊氏

為道士號太真貴妃傳始為壽王妃既名昭內禁中即為自

出妃意者弓籍女官號太真遂專房宴宮中號為娘子儀  
體與皇后等明皇雜錄及樂史太真外傳並云小字玉環  
清異錄因謂元宗為玉環天子伊世珍瑯嬛記云太真生  
而有玉環在左臂環上有八分太真二小字故小名玉環  
見元虛子仙志 癸辛雜識云今古詩人多以阿環稱之  
案李義山詩十八年來墮世間瑤池歸夢碧桃間何漢殿  
穿針夜又向窓中觀阿環荆公詩瑤池綠漫阿環家又云  
且當呼阿環乘興弄溪渤是以西王母為阿環也廣業案  
西王母降漢庭遣侍女與上元夫人答曰阿環再拜上問  
起居然則上元夫人亦名阿環又案朱彞尊書太真外傳



後據唐大詔令載壽王妃冊斷貴妃為楊元璵長女後明  
皇欲掩人耳目使妃不父其父而移作元琰少女是也又  
據李玉溪詩謂太真實處女元宗度楊氏為女道士勅所  
云作嬪藩國乃據妃曾受冊而言此則未然李氏聚麀沿  
為家法且天下多美婦人何必賦新臺也白樂天長恨歌  
楊家有女初長成養在深閨人不識蓋諱之也而陳鴻長  
恨歌傳因云得于壽邸既笄矣玉溪詩薛王沉醉壽王醒  
竟亦非言之未免失之輕薄至牛氏周秦游紀所載無忌憚  
甚矣又七脩類稿云鶴林玉露載唐杜昌詩地下阿蠻應  
有語阿蠻又似妃之小字杜昌唐人必知之真此又不知

何妃也

德宗妃宋若昭穆宗拜尚宮姊若莘妹若倫若憲若荀皆善  
屬文貞元中五人悉召入宮若昭尤通練著女論語十篇  
德宗高其風藻不以妾待命之號為學士歷憲穆敬三朝  
皆呼先生后妃與諸王主率以師禮見卒贈梁國夫人若  
莘卒贈河內郡君若憲司祕書文宗尤禮之

附

晉陽公主字明達清河公主名敬字德賢蘭陵公主名淑字  
麗麗貞俱太宗女晉陽早薨清河程懷亮尚蘭陵竇懷慈  
尚

王真公主字持盈睿宗女始封崇昌縣主俄進上清元都大

洞三景師後奏去主號罷邑

中州金石記玉真公主受道聖壇祥應記云法號無上真

元字元又第女要代國公主名華字花婉第六女涼國公主名

尧字華莊皆有碑見郭宗昌金石史云元美謂涼國碑為

華莊史作花莊而不言名石墨鐫華直以字為名二公皆

未嘗見碑也廣業案代國史亦不言名據碑名華而其女

弟又字華莊不避何也

壽安公主小字虫娘元宗女以其九月而誕遂不出降常令

衣道服主香火上呼為師娘代宗在靈武命蘇澄尚之封

壽安焉

西陽雜俎

益昌公主蘭芷傳齡紹宗第七女文苑英華載諸公主冊文  
皆不名惟薛廷珪乾寧元年冊益昌公主文書名

宋唐室武韋之禍古所未有然高宗惑於武媚或以黠  
辨鉗制之至中宗與韋徒以幽廢時約言恣其淫縱致  
釀凶釁愚亦甚矣肅宗張后之後遂無正位長秋者馬  
廷鸞曰史所載皇后皆以所生子為帝而追奉尊號者  
也憲宗納郭汾陽孫女以其宗強終身為妃自後人主  
皆不立后然仇士良廢立之禍踵起雖當時中人專橫  
已極亦因宮闈無主皇子素無威寵中官得肆行其志  
而莫能禁止矯枉過正殆謂是歟

梁

末帝次妃郭氏國亡莊宗命度為尼賜名誓正

唐

明宗淑妃王氏有美色號花兒羞慙帝尊為太妃國亡遷至德宮為漢高祖所殺

附

南唐烈祖元敬皇后宋氏小字福金

閩惠帝后陳氏名金鳳歐史閩世家本審知婢鱗嬖之立

為后金鳳外傳

明人王字得之山中農家生之夕母陸夢

飛鳳入懷因名金鳳

康宗后李氏名春燕

南唐書作春鸞

閔世家本嬪婢其子繼鵬蒸之

因求為后明烏程范訥閔宮詞云四條絃上按新聲半是先皇手教成舊事內人誰敢洩春來燕子不呼名廣業案此詞亦善于設想者因錄之

宋

昭憲杜太后太祖母受禪上尊號

太祖孝惠賀皇后

真宗章獻明肅劉皇后仁宗尊為太后臨朝 宋史后傳太后與帝同御承明殿垂簾決事帝位左太后位右令天下避太后父諱仁宗紀乾興元年十月詔中外避皇太后父

諱明道二年三月太后崩八月詔中外毋避太后父諱舊制后皆二謚稱制加四謚自后始龍川別志云仁宗謂劉氏大嬖嬖謂楊氏小嬖嬖

案詔避后父諱本為殊禮故哲宗朝欽聖向太后神宗權處分軍國事凡故事如御正殿避家諱立誕節之類皆不用其識遠矣然父諱且避則后諱之不敢犯可知矣

真宗章惠楊皇后初為淑妃仁宗尊太后居保慶宮 案東軒筆錄載章惠從弟景宗少無賴以罪隸軍黥面真宗幸玉清昭應宮還大宮皆乘金車迎駕於道景宗以役卒立

御溝之外太后車中指景宗令問其姓氏骨肉景宗具以實對太后泣於車中景宗唯知其女兄在掖廷疑其是也遽呼太后小字及行第太后大哭曰是我弟也即日上言官之據此則楊太后固有小字矣史失傳

仁宗郭皇后廢居長寧宮詔封淨妃玉京冲妙仙師賜名清悟景祐初又賜號金庭教主靜元師

英宗宣仁聖烈高皇后諱滔滔神宗尊太后哲宗尊太皇

太后臨朝聽政朝廷清明華夏綏定人稱女中堯舜

哲宗昭慈聖獻孟皇后廢居瑤華宮號華陽教主玉清妙靜仙師法名冲真元符末復號元祐皇后徽宗初復居瑤華加



賜希微元通知和妙靜仙師京城陷張邦昌奉之遣迎高  
宗尊元祐太后尚書省以元字犯后祖名稱隆祐太后

光宗慈懿李皇后小字鳳娘 宋史傳父道為慶遠軍節度  
使后初生有黑鳳集道營前石上道心異之遂字曰鳳娘  
四朝聞見錄慈懿之生黑鳳儀於營前大黑石上人謂鳳  
寶鶯鶯慈懿小字鳳娘蓋本于此又曰金鳳花如鳳味飛  
舞中都習宮闈語謂鳳兒花慈懿正位坤極六宮避舊諱  
稱曰好女兒花花史云后小字鳳宮中呼鳳仙為好女兒  
花

理宗謝皇后諱道清度宗尊太后少帝尊太皇太后同聽政

八元降壽春郡夫人 西湖類稿宋降元表會謝后名詩  
云侍臣已寫歸降表臣妾會名謝道清

案隋唐以來最重帝諱載在史傳極詳而后諱絕無聞  
焉見正史者唐惟則天此篡奪之主難以概論宋惟謝  
后則喪亡之餘也蓋其諱禮固與漢晉迥異矣妃嬪之  
名皆微時所傳然當其擅寵宮幃必無敢名之者故亦  
錄之以補闕云

遼

肅祖昭烈皇后蕭氏小字卓真天祚追謚

同

案遼氏后族始惟拔里乙室已二氏至太律娶於述律

本回鵲之後大同初太宗將還自汴田外戚小漢為汴  
州節度使賜姓名曰蕭翰由是拔里乙室已述律三族  
皆為蕭姓世任國事或曰以比蕭相國故改蕭文獻通  
考云翰本無姓字其妹嫁德光因呼為國舅將為節度  
李崧為制姓曰蕭翰于是始姓蕭據此則照烈莊敬之  
為蕭氏皆後世追改之矣

懿祖莊敬皇后蕭氏小字牙里辛

元

本字改祖簡獻皇后蕭氏小字月里朵與宗追尊同下

德祖宣簡皇后蕭氏小字巖母斤 案公主表聖宗第二女

亦名巖母並

太祖淳欽皇后述律氏諱平小字月理朵太宗尊太后

太宗靖安皇后蕭氏小字溫

世宗懷節皇后小字撒葛只後察割作亂遇害 案表道宗  
第一女亦名撒葛只

景宗睿知皇后蕭氏諱綽小字燕燕聖宗尊為太后臨朝聽  
政 遼史景宗紀保寧七年二月諭史館學士書皇后言  
亦稱朕暨予著為定式

聖宗仁德皇后蕭氏小字菩薩哥興宗時遷上京為耨斤所  
害 事略云隆緒聞真宗崩大恸又聞嗣皇尚少未知通  
好始末苟為臣下所問奈何又謂其妻曰汝可致書大宋

皇太后使汝名傳中國

聖宗欽哀皇后蕭氏小字撻斤本宮人興宗尊太后攝政道  
宗尊太皇太后

興宗仁懿皇后蕭氏小字撻里道宗尊太后

興宗貴妃蕭氏小字三孀初為皇后興宗初以罪廢

道宗宣懿皇后蕭氏小字觀音宮婢單登等誣后與伶官趙  
惟一有私賜自盡天祚初追謚 案表世宗第二女亦名

觀音景宗第一女名觀音女

道宗惠妃蕭氏小字坦思初為后以罪廢

天祚皇后蕭氏小字奪里懶後從西狩又德妃蕭氏小字師姑

文妃蕭氏小字瑟瑟元妃蕭氏小字貴哥從西狩  
西遼

天祐昭德皇后蕭氏名塔不煙仁宗時權國

案遼俗稱皇后曰可敦國語謂之賊俚塞尊稱曰耨斡  
麼亦作改耨蓋以配后土而稱爲母也太祖始用唐制  
稱謚一同中華而名仍其俗概云小字唯淳欽睿知二  
后書諱又書小字蓋依述律儼陳大任等原本錄之

金

昭祖威順皇后徒單氏漢姓諱烏古論都葛活刺太宗追謚

同下

景祖昭蕭皇后唐括氏諱多保真其次室名注思仄高麗人  
又次溫迪痕氏名敵本

紫金世惟徒單孛懶唐括蒲察裴滿紇石烈等氏為貴  
族娶后必於是世祖簡翼后孛懶氏太祖光懿后裴滿  
氏漢姓欽憲后紇不烈氏漢姓是也皆不著其諱

海陵昭妃蒲察氏漢姓名阿里虎初嫁宗盤子阿虎迭生女  
重節再嫁宗室南家海陵納之并與重節亂後竟殺之  
案國語解益曰阿里虎金人小字或以賤或以疾則此亦  
后小字也

海陵貴妃唐括氏名定哥妹麗妃名石哥柔妃耶律字氏名彌

勃昭妃名阿懶本叔母也昭媛耶律氏名察八其時增置後宮淫肆無度諸宗室婦諸從姊妹皆分屬諸妃位下恣其淫污而又兇暴好殺坐有嬪御則擲物于地使近侍環祝之他視者死給使男子於妃嬪位舉首者刖其目男女倉猝誤相觸先聲言者賞三品官後言者死其時之搖手觸禁轉喉觸諱不待言矣

睿宗貞懿皇后李氏天會十三年睿宗崩舊俗婦女寡居宗族接續之后乃祝髮為尼號通慧圓明大師

章宗元妃李氏名師兒衛紹王賜自盡歸潛志元妃家因罪没入官為奴婢屬監戶李氏少給事太后章宗悅之後拜



元妃衛王賜死廢妃為庶人使止呼其小字李師兒金史云自後天下不復稱元妃但呼曰李師兒廣業案劉志是奉呼名衛王之失政也若金史則天下自名之矣先帝元妃雖經廢黜初無失德何至直呼小字乎

元

太祖光獻翼聖皇后宏改本字避同吉刺氏元史特薛禪傳姓李

從后妃傳後同名旭真特薛禪傳名字見台后妃表作李世祖追

謚同案后父特薛禪本名特太祖賜名薛禪故兼稱之子

曰按陳屢從太祖征伐有功賜號國舅封王有旨生女為后生男尚主世世不絕故元世皇后皆宏吉刺氏

案元史有后妃傳又有后妃表太祖有四韓耳朵共有

皇后四十餘人分后各部後有繼承守宮之法文獻其任抗之南名分三清今止後居傳姓概不詳

太宗昭憲皇后乃馬真氏名脫烈哥表作脫烈哥野六皇后云據廣賜錄與傳小異

定宗朝稱制攝國四年至元追謚

定宗欽淑皇后名斡兀立海迷失年史稱其氏制攝國四年

睿宗顯懿莊聖皇后怯烈氏名唆魯帖尼表唆魯帖尼世祖追謚

憲宗貞節皇后宏吉刺氏名忽都台特薛禪傳作至元追謚

世祖昭睿順聖皇后宏吉刺氏名察必表作察皇后宏

案元史祭祀志世祖至元二年議廟號起烈祖及太祖

太宗皇伯考睿定憲三宗定為八宝十三年改作金主

太祖主題成吉思皇帝睿宗題太上皇也可那顏皇后  
皆題名諱今考烈祖宣懿皇后名月倫見帝紀其餘諸  
后名皆見后表是其初猶不諱后名也至曹元用建議  
之後則后名亦諱之矣

裕宗徽仁裕聖皇后宏吉刺氏名伯藍地怯赤一名闊闊直  
成宗尊太后

成宗貞慈靜懿皇后宏吉刺氏名失憐答里特薛祥傳諱武實憐答里  
宗追謚

順宗昭獻元聖皇后宏吉刺氏名答己表同特薛祥武宗尊  
太后仁宗尊太皇太后居興聖宮

武宗宣慈惠聖皇后宏吉刺氏名真哥

元史曹元用傳元用除禮部主事時累朝皇后既崩者猶以名稱而未有謚號元用謂后為天下母豈可直稱其名宜加徽號以彰懿德廣業崇傳於此下有延祐六年云云則元用此議當在成宗武宗之世乃后傳及表憲宗以上諸后皆云世祖至元二年追謚何元用尚云未有謚號耶但祭祀志至元十三年廟主亦言皇后皆題名諱則雖謚而仍以名稱也然則后諱之避必自元用始矣

仁宗莊懿慈聖皇后宏吉刺氏名阿納失失里

衣無名特薛禪傳亦無足

后英宗尊太后

英宗莊靜懿聖皇后亦啟烈氏名速哥八刺

顯宗宣懿淑聖皇后宏吉刺氏名普顏怯里迷失

特薛禪傳無是后

泰定追謚

泰定帝皇后宏吉刺氏名八不罕文宗時徙東安州案傳

作泰定帝八不罕皇后下文寧順三后並然考物薛禪傳云泰定皇后諱八不罕史蓋以無謚故以名先之

明宗貞裕歲聖皇后名邁來迪案此順帝母也傳逸其氏又有寧宗母八不沙皇后表稱明宗太后曰按出罕日月魯沙曰不忽都曰八不沙曰野蘇曰脫忽思而不及邁來迪據傳則順帝后亦有伯顏忽都特不伯字異耳邁來迪

既生順帝何即位後正尊文宗后為太皇太后而不加謚  
所生凡此皆可疑者庚申紀言明宗奪宋瀛國公妻罕祿  
魯氏邁來迪并取其子此事殆非誣也

文宗皇后宏吉刺氏名卜答失里特薛神傳諱不答失里寧宗尊太后

順帝尊太皇太后俱臨朝稱制後徙東安州

寧宗皇后宏吉刺氏名答里也咸迷失

順帝皇后欽察氏名答納失里為伯顏所醜又宏吉刺氏名

順帝皇后宏吉刺氏名伯顏忽都戰耕錄奇氏此稱南良合氏本高麗人

順帝皇后奇氏冊文稱高麗人名完者忽都後徙北奔

附

昌國大長公主名帖木倫烈祖女昌忠武王字禿尚 崇元  
室公主非勲臣世族及封國之王者不得尚故世聯戚畹  
親視藩王又諸王之女亦稱公主與前代不同史表詳列  
其名茲不概錄

明

太祖孝慈高皇后馬氏

宣宗恭懿皇后胡氏名善祥以無子多病退居長安宮賜號  
靜慧仙師

宣宗郭嬪名愛字善理入宮二旬卒

案明代宮幃最稱清肅論者謂其家法之善超越漢唐

惟中宮多不宜子鄒先輩談遷嘗言成祖生母為碩嬪  
妃高麗人南京太常寺志云奉先廟制高后南向諸妃  
盡東列西序惟碩妃一人蓋高后從未懷妊長陵雖至  
稱朕高皇后第四子寔非也即懿文亦非所出嘉靖間  
沈大理元章嘗為南京太常作奉先殿紀事詩云衆妃  
位東序一妃獨在西成祖重所生嬪德莫敢齊最得其  
寶永樂以後惟武宗為孝宗正宮張皇后所出崇禎周  
皇后生子慈煥而已然武宗享祚不長又無子慈煥被  
獲于賊闖則宜子與否若有成數焉不可強為也

七月十六日校



經史避名彙考卷二十六

海寧周廣業耕厓

儲副

鄭康成曰儲君副主猶云士也蓋天下無生而貴者且分居臣子則父前子名君前臣名乃達禮也逸周書紀太子發尚書稱元子釗左傳書王世子鄭厥義昭矣自遷史於周之天子並皆言名漢之儲兩俱沒其諱以尊漢卑周魏澹嘗論其非及澹作魏史帝則諱名太子書字雖曰矯伯起之失實亦諱也唐于志寧上太子承乾書周誦升儲見匡毛畢漢盈居震取資黃綺名上嗣而

爵宮僚於體非今叙周以來青宮故事凡繼統之帝所  
諱非確在撫軍監國之年及明標皇儲字樣者如某年  
是也概詳帝王不復兩登惟前星方曜而短天廢黜及  
追冊賜謚諸人可考見者具列於篇諸侯世子春秋時  
間有不名者并附載之

周

王世子鄭

惠王子  
即襄王

春秋僖五年夏公及齊侯宋公陳侯衛侯

鄭伯許男曹伯會王世子於首止左傳注惠王太子鄭也  
不名而殊會尊之也公羊傳曷為殊會王世子世子貴也  
世子猶世世子也穀梁傳及以會尊之也何尊焉王世子

云者唯王之貳也云何以重之存焉尊之也何重焉天子世子世天下也左傳辨例云國有適長謂之儲君在王侯者皆稱世子亦曰太子王世子不名會王世子於首止是矣諸侯世子稱名桓九年曹伯使其世子射姑是矣

案初學記云唐虞以上經傳無太子稱號夏殷雖則傳嗣其文略矣至周始見文王世子之制白虎通云何以知天子之子稱世子春秋傳王世子會於首止是也何以知天子之子稱太子尚書曰太子發升於舟是也或云諸侯之子稱世子則春秋傳晉有太子申生鄭有太子華齊有太子光由是觀之周制太子世子亦不定也

漢制天子稱皇帝其嫡嗣稱皇太子諸侯王之嫡稱世子後代咸因之廣業案前漢諸侯王嫡子亦稱太子觀漢書淮南王諸傳可見至東漢始盡稱世子矣

太子晉

靈王

逸周書太子晉年十五晉叔譽使於周與之言

五稱而五窮師曠請往與之言曰吾聞王子古之君子甚成不驕自晉始如周行不知勞又曰王子汝將為天下宗乎王子曰太師何汝賤我乎云云吾後三年上賓於帝所曠歸未三年告死者至廣業案路史靈王太子重超古年十八而賓是為晉注云字子晉或云名晉一云謚

坤監曰字開山

謬據此是太子名超古也故曠言自晉如周斥名不怒而

獨不滿於汝之稱也國語諫靈王壅穀汝事稱太子晉蓋沒則稱字之例

王子朝

景王庶長子

春秋昭二十三年尹氏立王子朝林堯叟注

王子不名惟卒名之非卒也而名之者貶也是故救衛書子突奔名子瑕立名子朝

附

魯太子同

桓公公子莊

春秋桓六年子同生惠士奇春秋說云傳

明言以太子之禮舉之不稱世子而稱子同生者謹其始書子般卒者慎其終一始一終皆稱子繫諸君父也推而上之王世子生卒亦稱子顧命逆子釗於南門之外明王

崩世子稱子天子然諸侯亦然其異者諸侯之嫡子誓於  
天子攝其君則下其君之禮一等未誓則以皮帛繼子男  
桓九年曹伯使其世子射姑來朝傳稱賓之以上卿僖八  
年洮之盟陳世子款繼許男曹伯成十五年戚之盟宋世  
子成亦繼曹伯而在齊國佐前與上卿同列蓋世子之未  
誓于天子者與齊世子光八列於會盟征伐其五會皆繼  
子男之後則亦未誓者也其三伐則與子男同列一在滕  
薛上莒邾下二在衛曹上莒邾下故曰光之立也列于諸  
侯矣時蓋崔杼請于盟主盟主請于天子而誓之為世子  
昭八年楚靈王執蔡世子友父死子立未踰年例當稱蔡

子友曷為仍稱世子公羊謂不成其子蔡侯般弑君而自立楚子誅之友乃誅君之子不當立故不成其子然則春秋書子某卒者成其子亦以成其君也有變文為王子猛者猛非適子劉單所立故王子朝告諸侯之文曰王后無適則猛非適子之弟也昭十九年許世子止弑其君買以不當葬定十四年衛世子蒯聩出奔以將弑母然于其奔及納稱世子者正其君所以惡輒之立也

太子惡

文公

春秋文十八年子卒左傳公薨襄仲殺惡及視

而立宣公書曰子卒諱之也注子惡太子視其母弟公羊傳作子赤意即惡之字歟史通惑經篇曰諸侯世嫡嗣業

居喪既未成君不避其諱此春秋之例也何為般野之殺

皆以名書而惡視之殂直云子卒所不解也

案子般卒在莊三十三年

子野卒在襄三十一

年廣業案左氏所謂諱乃諱弑非諱名也其不

名以文公已葬也春秋說云成王崩世子稱子釗莊公薨

世子稱子般者繫諸父也父前子名屈于尸柩故未葬稱

名既葬稱子文公既葬世子惡卒無所屈故不名未除喪

故稱子凡諸侯薨世子在喪而出會盟征伐或既葬或未

葬皆稱子而不名宋桓公未葬襄公會諸侯稱宋子衛文

公既葬成公會諸侯稱衛子是也

原云公侯在喪不敢當其位故降一等稱子伯

子男在喪窮無所降直稱名鄭伯寤生卒世子在喪出奔不稱鄭子而稱鄭忽以此若會盟征伐未有諸侯而生名



者公侯伯子男在喪皆稱子辭窮則同故也廣業案稱子者未成君五等諸侯並然其鄭忽之不稱世子罪其夫大援以致喪國不成子也哉梁己言之矣惠氏既以稱子為繁諸父忽又以宋衛為降等而以鄭忽証詞窮無降之說為突甚矣故不取

晉共太子申生獻公左傳驪姬譖申生於獻公曰賊由太子

其伐臯落氏也里克以下皆稱之曰子晉語謚申生為共君驪姬亦稱為共君

吳太子諸樊吳王左傳昭二十三年吳太子諸樊入郢注以

為僚之太子釋文吳子遏名諸樊僚是遏之弟子先儒又以為遏弟何容僚子又取遏號為名恐傳寫誤正義云諸樊乃僚之伯父今子又名諸樊是與伯祖同名吳雖東夷

理不應然杜解補正云僚子尚幼此必諸樊之太子光也  
又覽左隨筆云吳公子慶忌夫差之子也而又有子僚之  
子為要離所刺者見吳越春秋

魏太子擊

文侯子即武侯

韓詩外傳文侯有子曰擊曰訢訢少而以

嗣封擊中山

說苑作封太子擊於中山

三年莫往來其傳趙蒼唐

說苑作舍

人趙請為使因求北大晨雁

說苑作晨雁

賈行蒼唐至曰北蕃中

山之君有北大晨雁使蒼唐再拜獻之文侯見使者曰擊

無恙乎蒼唐唯唯三問而三不對文侯曰不對何也蒼唐

曰臣聞諸侯不名君既已賜敝邑使得小國侯君問以名

不敢對也

說苑君出太子而封之國君名之非禮也蘇轍古史魏世家作太子在外君國名非臣所得聞

也文侯曰中山之君無恙乎蒼唐曰今者臣之來拜送於  
郊文侯曰中山之君長短若何矣蒼唐曰所賜衣裘幾能  
勝之矣文侯曰中山之君何好乎曰好詩因誦黍離與晨  
風文侯大悅曰欲知其子視其母欲知其君視其所使中  
山君不賢惡能得賢遂廢太子說苑作訢中山君為嗣  
說苑敬慎篇田子方侍魏文侯坐太子擊趨入賓客羣  
臣皆起子方獨不起文侯有不悅之色太子亦然子方曰  
楚恭王之為太子也將出之雲夢遇大夫工尹趨避家人  
之門中太子下車從之曰子大夫何為若是吾聞敬其父  
者不兼其子兼其子者不祥莫大焉子大夫何為若是工

後見子之心

尹曰向吾望見子之面今而後見子之心文侯曰善太子擊前誦恭王言三遍而請習之廣業案此係擊為太子時事故與為中山君不同不起者專其敬於父不對者申其尊於君禮因地而殊也然文侯名其子可也對子之臣而名其子不可也蒼唐所稱諸侯不名蓋亦權辭為復召計耳若吳子料敵篇魏武侯問敵必可擊之道吳子連言可擊却不避擊字戰國策魏太子鳴為質於齊注魏紀唯中與赫名餘不名

韓太子嬰

襄王

史記世家襄十二年太子嬰死公子咎公子

蟣蟣爭為太子後蘇代謂秦太后弟芊戎又有公叔伯嬰

吳師道補注戰國策据此謂伯嬰不應與太子同名廣業

案公子蟻孫國策作幾瑟顏氏家訓以譏衛侯魏公子楚太子皆名蟻孫為今之所笑蓋亦據史言之

漢

皇太子啓

文帝子即景帝

史記文帝紀元年有司請立太子云子某

最長純厚慈仁請建以為太子漢書改某為啓

案魏彥淵言遷史於漢之儲兩俱沒其詳今考高紀稱惠帝曰孝惠文紀稱景帝曰子某是也至少帝在呂后紀但云孝惠皇帝取美人子名之殺其母立所名子為太子孝惠崩太子立為帝時雖母后稱制然少帝初立嘗謁高廟又在位四年宜有名今失之者當時諱之幽

裁之後遂無可考耳孝文於高紀稱名者時非太子也故曰立子恒為代王又代王恒已立為孝文帝諸侯王分封例書名也呂紀亦云薄夫人子恒為代王景帝紀為褚少孫所補其書立膠東王為皇太子名徹非史公之例也但膠東之立在七年其前四年書置立太子是年書廢栗太子為膠東王亦皆不名徹未立之前又書立皇子為膠東王然則名徹二字疑有脫誤蓋武帝先名吉為太子始改名徹其前當云立皇子吉為膠東王後當云立膠東王為皇太子改名徹文義始明又案後漢拜皇太子儀百官會位定謁者引皇太子當御座

殿下北面司空讀冊畢中常侍進璽綬太子拜受謁者  
贊曰皇太子臣某甲謁者稱制曰可

戾太子據

武帝長子

元狩元年立漢書傳江充誣以巫蠱事怒發

兵收斬之出亡上求之急壺關三老上書言皇太子為漢  
適嗣承萬世之業體祖宗之重親則皇帝之宗子也子盜  
父兵以救難自免耳無邪心亟罷甲兵毋令太子久亡上  
感寤未竟太子為吏所捕死車千秋復訟其寃乃作思子  
宮宣帝即位謚曰戾置戾園廣業案三老上言稱皇太子  
而不名則知此制始於漢非始晉山濤也

附魏太子丕

武帝子

魏志注文帝為五官中郎將賓客如雲

邴原獨不往太祖微使人問之原曰吾聞國危不事冢宰  
君老不奉世子廣業案此王太子也與晉武帝之太子同  
時劉楨等為文學贈詩曰與君共翱翔又曰君侯多壯志  
而自稱小臣

吳太子和

大帝子

字子孝追謚文皇帝吳志赤烏五年立子和

為太子改禾興為嘉興十三年廢為南陽王宋書州郡志  
孫權改由拳為禾興孫皓父名和又改嘉興吳地記秦由  
拳縣黃龍三年嘉禾野生改禾興赤烏年避太子名改嘉  
興縣吳志注引吳書同吳永芳嘉興府志作改鹽官為禾興因以紀年誤廣業案朱桓傳黃  
武間權嘉桓功封嘉興侯時未改嘉興而以為封者避諱



後追改也陸凱亦封嘉興侯却在孫皓時又案雲麓漫鈔載末帝天璽元年吳興陽羨山封禪碑碑云嘉禾秀穎甘露凝液是不諱禾字而對揚乾命改休為乾則又避景帝諱也

太子竇字箇

景帝子

永安五年立孫皓封豫章王吳志注引吳錄孫休詔曰人之有名以相紀別長為作字憚其名耳禮名子欲令難犯易避五十稱伯仲古或一字今人競作好名好字又令相配所行不副此諱字伯明者也孤常哂之或師友父兄所作或自己為師友尚可父兄猶非自為最不謙孤今為四男作名字太子名竇音如湖水灣澳之灣

字箇音如迄今之迄今次子名囊音如兕觥之觥字弄音如  
元磧首之磧王汝南次子名柜音如草莽之莽字昱音如舉  
物之舉王梁次子名寢音如袞衣下寬大之袞字焚音如有  
所擁持之擁王陳此都不與世所用者同故鈔舊文會合作  
之夫書八體損益因事而生今造此名字既不相配又字  
但一庶易棄避其普告天下使咸聞之裴松之評曰欲令  
難犯何患無名而乃造無況之字制不與之音違明詔於  
前修垂嗤駭於後代不亦異乎廣業案諸書所傳箇小名  
錄作箇或作首或作箇通志六書略改作箇囊小名錄作  
庀或作囊弄小名錄作霽柜廣韵作鉅通志作鉅集韵作

出書又作拜昱作昌焚通志作焚紛紜錯出至若鄭樵誤  
為孫亮命子陳大科庶竝皆以字為名訛四男為八子固  
緣考古之難亦以字無古製率意踵增揆諸制義出禮之  
本實無取也陳大士際泰謂四子體性皆應廢名樂險醜  
夷引妖就瞑福祿不降事以類名斯言信矣乃宋明諸王  
命名獨遠師其法何耶又案會稽典錄載孫亮時山陰朱  
育少好奇字依體像類造異字千名以上然則孫休所製  
殆亦有所倣效歟

晉

太子炎

文帝子

咸熙

二年

由晉王

世子進

為太子

晉諸公贊

贊

劉邠本名炎，犯晉太子諱，改為邠。

魏志管略傳注

皇太子衷。

武帝子

泰始二年立，時年九歲。

通典武帝世尚

書僕射山濤啓事稱皇太子而不言名。

詳後武廣業案于寶晉

紀載武帝與和嶠荀顗問答，俱稱太子，則武帝亦不名之。

矣。又案晉書禮志，漢魏故事，皇太子稱臣，新禮以太子既

以子為名，而又稱臣，臣子兼稱於義不通。除太子稱臣之

制，摯虞以為孝經資於事父以事君義，兼臣子則不嫌稱

臣，宜太子稱臣如舊。詔從之。又劉毅傳，皇太子朝鼓吹將

入東掖門，毅以為不敬，止之門外，奏劾保傅以下詔赦之。

然後得入。又晉制，皇帝會公卿，座位定，太子後至，孫毓以

為羣臣不應起禮曰父在斯為子君在斯為臣侍坐於所  
尊敬見同等不起見尊無二上故有所厭之義也昔衛綰  
不應漢景之召釋之正公門之位明太子事君同於羣臣  
羣臣亦統一於所事應依同等不起之禮毓此議與田子  
方正同但上無二也名亦所獨也則不起以尊君不名以  
崇太子亦禮之以義起者歟

愍懷太子適字熙祖小字沙門

惠帝子

永熙元年立為賈后所

廢葬顯平陵晉書適少有令譽封廣陵王以劉寔為師孟  
珩為友楊準馮蓀為文學既立為太子以何劭為太師王  
戎為太傅楊濟為太保裴楷為少師張華為少傅和嶠為

少保賈后誣害之先是童謠云南風起兮吹白沙南風后  
名沙門太子子小字也後冊復皇太子立思子臺使江統陸  
機為誄頌馬文選陸機宴元圃宣猷堂皇太子令賦詩有  
云篤生我后注謂太子機為洗馬故稱我后又曰叢爾小  
臣是自稱臣

案晉世優隆儲貳無過懷愍宮僚既盛選德望度一時  
朝貴無復有敢名之者乃以不禮賈謚之故坎牲謀構  
斃犬諧行遂使酷甚廢園寃逾楚建雖復禮備哀榮亦  
何補於荼毒固由中宮凶德實亦儲德之不恢也

皇太子行

明帝子  
即成帝

太寧三年立晉書禮志是年立皇子行為

皇太子詔曰禮無生而貴者故帝元子方之於士而漢魏  
以來尊崇儲貳使官屬稱臣朝臣咸拜此甚無謂吾昔在  
東宮未及啟草今行冲幼之年便臣先達將今日習所見  
謂之自然此豈可以教之耶其下公卿內外通議尚書令  
卜壺議以為周禮王后太子不會明禮同於君皆所以重  
儲貳異正嫡苟奉之如君不得不拜矣太子若存謙冲故  
宜答拜臣以為皇太子之立郊告天地正位儲宮豈得同  
之皇子揖讓而已謂宜稽則漢魏闔朝同拜從之廣業案  
古文苑載漢高祖手敕太子云謂惠帝汝見蕭曹張陳諸公  
侯吾同時人倍年於汝者皆拜并語於汝諸弟據此則漢

初無朝臣拜敬之禮明矣

皇太子德宗

孝武帝子  
即安帝

泰元十二年立晉禮志尚書符問皇

太子既拜廟朝臣奉賀應上禮典不國子博士車允

本字  
避改

下議方伯牧守宜有上禮朝臣奉璧而已太學博士庾宏

之議皇太子國之儲副既已崇建普天同慶應上禮奉賀

徐邈同又泰元中尚書符問王公已下見皇太子儀車允

議朝臣拜敬太子答拜按經傳不見其文故太傅羊祜牋

慶太子稱叩頭死罪此則拜之證也通典泰元十九年七

月義興太守褚爽上表稱太子名下太學議助教臧燾議

按禮記云父前子名君前臣名又云君之於嗣子親則父



也尊則君也如此則太子雖國之儲貳猶同於臣列以君  
前臣名之義言則與表未為失禮然史籍所載人臣與人  
主言及上表未有稱太子名者今省無先叱即其驗也昔  
武皇帝代尚書僕射山濤啟事稱皇太子而不稱名濤中  
朝名士必詳典式其不稱名當有理趣特以皇太子儲君  
名諱尊重不敢指斥故耳古今異儀禮有損益今依仗前  
賢因循先叱則與表所稱為違舊准徐乾議御覽作禮記  
曰夫人之諱雖質君之前臣不諱也按夫人國之小君君  
之一體太子之母也而尚不諱則太子何嫌乎又禮君前  
臣名父前子名又周公告父皆稱武王名益可明矣徐邈

議云左傳周人以諱事神名將終諱之記云卒哭而諱皆周禮也名之與諱並是人倫所以相稱殷尚質無諱議其遇名字如姓位耳箕子對武王云邦其昌知於時未有諱也周公於成王六年始制周禮曲備節文而諱名稱諱然猶臨文不諱廟中不諱故周頌有克昌厥後先儒以為宗廟中詠歌上不諱下即是父前子名也

附後趙太子石宣

石虎子

後趙錄秦王韜有寵於虎欲立之以

太子宣長猶豫未決宣嘗忤旨虎怒曰恨不立韜也韜由是益驕建武十四年韜起堂於太尉府題曰宣光殿梁長兄父宣見之大怒斬匠截梁而去蔣之翘曰以犯其名也

齊

文惠太子長懋字雲喬小字澤世祖長子先封南郡王建元四年

六月立鬱林追尊世宗文皇帝葬崇安陵南齊書世祖紀  
永明三年十月詔皇太子口講畢當擇奠云云史不書名  
知當時諱之但世祖第七子晉安王子懋何又與嫡兄同

梁

昭明太子統字德施小字維摩高祖子追尊為帝

皇太子綱昭明弟中大通三年立元和志邵州武岡縣梁天監元年以太子詳綱改為  
武強廣業梁書簡文生於天監二年十月謂九年避詳諱昭明在儲位久  
文選不諱己名而高齊中學士亦不為避統字何也

魏

皇太子晃

子太武

字元天真子濬追尊恭宗

詳帝

魏書世祖北伐詔皇太子副理萬機總統百揆諸上書者皆稱臣上疏儀與表同廣業案後周武帝初令上書者並為表於皇太子以上稱啓蓋昉諸此又案魏書皇太子某生及名皇子曰某皆空格不書北史崔浩傳浩對魏明元曰今長皇子諱年漸一紀此指太武也

皇太子恂字元道後改字宣道

孝文子

後廢北史太后親為立

名字既立為太子冠恂於朝孝文臨光極東宮引見誡以冠義曰字汝元道所寄不輕汝當尋名求義以順吾旨

北齊

皇太子殷

即廢太子

天保元年立北史天保二年七月改殷州

為趙州以避太子之諱隋書禮儀志天保元年皇太子監

國時議官吏之姓與太子名同邢子才曰曲禮大夫士之

子不與世子同名鄭注云若硯硯之生亦不改漢法天子登

位布名於天下四海之內無不咸避案春秋經衛石惡出

奔晉在衛侯衍卒之前其子惡始立明石惡與長子同名

諸侯長子在一國之內與皇太子於天子禮亦不異鄭言

先生不改蓋以此義衛石惡宋向戌皆與君同名春秋不

譏皇太子雖有儲貳之重未為海內所避何容便改人姓

然事有消息不得皆同於古宮吏至微而有所犯朝夕從事亦是難安宜聽出宮尚書吏補他職制曰可

隋

廢太子勇字覲地伐

文帝長子

開皇元年立後廢追封房陵王廣

業案覲地伐當是小名獨孤后曰覲地伐漸不可耐母不

應字其子又呼煬帝曰我所以益憐阿麼亦小名也南史

王猛字世雄本名勇入隋改名猛案猛仕陳為衡州刺史

其改名當是避太子諱舊唐書任瓌傳尚作王勇 漢書

地理志天水郡勇士縣師古注今土俗呼為健士隋初避

皇太子諱因而遂改 隋書傳勇為皇太子軍國政事及

尚書死罪以下皆令參決後經冬至百官朝勇勇張樂受  
賀高祖以為有乖禮制詔曰皇太子雖居上嗣義兼臣子  
而諸方岳牧正冬朝賀任土作貢別上東宮事非典則宜  
悉停斷自此恩寵始衰漸生疑阻楊素復讒之獨孤後開  
皇二十年廢為庶人先是陸爽為太子洗馬奏言皇太子  
諸子未有嘉名請依春秋之義更立名字上從之及太子  
廢上追怒爽曰我孫製名寧不自解陸爽乃爾多事扇惑  
於勇亦由此人其身雖沒子孫並宜屏黜終身不齒其子  
法言竟除名史見北

案高祖五子同出獻后雖乏螽斯之德而無寵姬孽子

以生諛問高祖故以同母為真兄弟誇於羣臣也及儲位久定惑於妬妻奸佞之言率爾廢立卒致抵牾後悔倉卒崩殂而五子亦竟無考終者史臣謂亂亡之禍未有若隋之酷由於本根既絕枝葉畢剪信夫

皇太子廣

文帝次子

開皇二十年立

漢地志信都國廣川縣

師古曰隨仁壽元年初立煬帝為太子避諱改長河元和志

改延州廣

洛安

縣為延安廣洛為金明洺州廣年為永年連州廣

澤為連山邛州廣定為蒲江戎州廣漢為南溪成都府廣都為雙流

廣州為番州

隋志陽帝通

以上皆在仁壽元年乃立太子之明年也代州廣武

縣開皇十八年改鴈門縣蓋避太子諱

此年

有詔通鑑漢高紀注引余



白字通 通山縣太子諱而無年又唐武后起注改唐平縣為永平元和郡縣志後魏金明郡廣洛縣改金明郡唐六

典隋開皇初作廣陽門改昭陽門亦俱在仁壽元年為

東宮官屬不得稱臣於皇太子廣業案此懲房陵之失也

既而避暑仁壽宮恒令監國繼又詔罰賞度支事無巨細

並付之矣史臣謂溺寵廢嫡付託非人墳土未乾天下已

非隋有譏之深矣

年亮越王追

元德太子昭陽帝大業元年立明年亮越王追尊孝成皇帝

隋書房陵王傳以雲定興女為詔訓又有高良妙王良媛

等皆太子妃嬪之名元德太子傳但有韋妃即代王之母

及大小劉良姊無昭訓蓋以避諱去之

唐

隱太子建成小字毗沙門資

高祖長子

武德元年立為秦王所殺

追封息王

新書魏徵字元

本字

成廣業案徵為太子洗

馬不當字成庾肩吾書品下之上五十一人中有魏徵元

成列晉元帝前則晉別有魏徵字元成者史遂因之誤也

宰相表作元戊當以元戊為正或云因避諱闕筆也又劉

蘭成革命記舊書作劉蘭去成字亦避諱也惟建成諸子

名皆連承字則嫌諱不避

實

新書地志改閬中郡晉成縣

為晉安又改新城為新政賓城為始安冀城曰伏羌皆武

德初避太子名改又通鑑注安城改安福宋白曰容城改首縣

皇太子世民

高祖次子即太宗

武德九年立

通典是年六月太宗

居春宮總萬幾下令曰依禮二名義不偏諱兄父達聖非無前旨近代以來曲為節制兩字兼避廢闕已多率意而行有違經誥今官號人名及公私文籍有世及民兩字不連讀者並不須諱避

五詳帝王

廢太子承乾字高明

太宗子

貞觀元年立後廢死封常山王追

謚愍

新書本傳生於承乾殿即以名之

懶真子晉史

乃唐時文士所為但托之御撰耳天文志云天聰明自我

民聰明以民為人太宗不應自諱其名又尚書乾曜度以  
乾為甄太宗又不應為太子承乾避名也以臣下之文駕  
其名於人主人主亦傲然受之而不辭兩失之矣廣業案  
舊書房喬與褚遂良奉詔撰晉書奏取太子左庶子許敬  
宗等八人分撰而天文律歷五行三志李淳風專任之惟  
宣武紀陸機王羲之傳論太宗自撰于是總題御撰非駕  
名可比其洛書甄曜度則光武封禪石刻有之

見經義考  
卷緯門

蜀志劉豹等上先主言符瑞亦引作甄非因唐諱而改且  
天文志引乾象歷及春秋保乾圖俱未嘗改甄又晉書成  
於貞觀二十年而太子十七年已廢十九年死于徙所不

應有諱永卿此說不知何所據也顏師古奉太子命注漢書不為諱李百藥于貞觀五年作贊道賦以諷承乾有云承此邦家見貞觀政要惟歐陽詢書九成宮醴泉銘乾字變體作乾又玉海引六典太極殿左曰虔化門兩京記及長安志俱作乾化門此當是元宗追諱之也

皇太子治太宗三子即高宗貞觀十七年立貞觀政要是年詔定太

子見三師儀迎於殿門外先拜三師各拜每門讓於三師

三師坐太子乃坐其與三師書前名惶恐後名惶恐再拜

廢太子忠字正本高宗庶長子初封陳王永徽三年立降封梁尋

廢死追封燕王 舊書太宗紀貞觀二十年八月封皇孫

為陳王不書名高宗紀永徽三年九月改太子中允為內

允中書舍人為內史舍人諸率府中郎將改為旅賁郎以

避太子名通典諸率府中郎將為旅賁郎新唐書官志改中

舍人為內舍人西安志秦曰關中唐曰關內

皇太子宏高宗嫡長子本字宣慈見中州金石記孝初封代

王顯慶元年立上元二年為武后所酖謚孝敬皇帝號義

宗葬恭陵冊府元龜中宗神龍元年六月詔祔神主於

太廟號義宗有司奏言義宗孝敬皇帝昇太廟聯祖宗其

名准禮合諱從之新書徐有功名宏敏徐彥伯名洪俱

以字行韋宏機單名機溫大雅本名彥宏亦以字顯廣業

案集古錄跋顏勤禮碑後云唐書溫大雅字彥宏弟彥博  
字大臨弟大有字彥將兄弟義當一體而名大者字彥名  
彥者字大不應如此因言唐賢名字可疑者如封德彝名  
倫房元齡名喬高士庶名儉顏師古名籀諸人在唐無所  
諱不知何避而行字顏之推家訓譏河北士人不辨名字  
至顏師古匡謬正俗既立論以稱名為是而乃以字行殆  
不可曉趙氏金石錄於溫彥博碑亦同此說容齋四筆謂  
彥宏以雅為名亦由避諱近李而洵三溫名字考云唐書列  
傳溫氏兄弟兩以大為名彥為字一以彥為名大為字至  
宰相世系表則云彥將字大有而博雅同後見大雅所撰

大唐創業起居注中云煬帝遣使夜至太原溫彥將首先

見之報兄彥宏駢啟帝據此是三溫名皆從彥而此書首

題大雅奉勅撰不應敢自稱字詳考之乃知為高宗太子

諱後人追改稱大雅也 通鑑武后紀有廬江郭霸考異

曰新傳名宏霸舊傳御史臺記皆單名霸唯統紀萬載元

年云宏霸今從臺記廣業案郭霸以避諱單名與章機同

例通鑑從臺記者誤也會昌一品集周正得表憲之談柄

常在講筵周宏正亦止曰周正 王應麟姓氏急就篇注

宏氏晉尚書令宏詢唐避諱改李更改洪又丹陽洪氏唐

諱改有洪興祖擬案擬諱顏真卿茅山元靖先生廣陵李

南宋





宏文館為脩文館

新書百官志作昭文館二年始改修文

容齋四筆宏福殿

為崇福殿新書地志京兆府長安縣大安宮本名宏義後

更名又改宏教門為崇教門玉海貞觀十七年太孫生宴

宮僚于宏教門注六典云在紫宸殿左孝哉諱改崇教門

案孝敬先祠主太廟開元初別立廟東都前後共有七

太子廟隱太子章懷節愍

重調懿德後惠莊揭惠文氣惠

宣或既立而殂或死後追冊唐書禮樂志以贈太子為

中祀又云追贈皇后追尊皇太后贈皇太子皆改立廟

焉

章懷太子賢字明允

高宗嫡太子

始封潞王徙沛更名德又徙王

雍復名賢上元二年立後廢自殺睿宗追贈皇太子及謚

舊書劉祥道傳子齊賢後避章懷諱改景先諱北景先通典崇賢

館屬左春坊避太子諱改宗文館館係貞觀十三年置王溥唐會

要神龍元年十一月二十五日有司奏以宮殿名與沛王

諱同者悉改遂改昭慶殿章德殿昭賢殿廣業崇德賢係

沛王新舊名昭慶不知所改疑傳抄之誤

皇太子顯

高宗嫡三子即中宗

舊書中宗自房州還復立為皇太子

通典武太后長安二年正月麟臺監兼左庶子王方慶上

言謹按典籍所載人臣與人主言及上表未有稱皇太子

名者當為太子皇儲不敢指斥晉尚書僕射山濤啟事稱

皇太子不言名濤中朝名士必詳典故其不稱名應有

准朝官尚猶如此官臣諱則不疑今東宮殿及門名皆有

觸犯臨事論啟迴避甚難孝敬皇帝為皇太子時改宏教

門為崇教門沛王為皇太子改崇賢館為崇文館皆避名

諱以遵典禮此則成例並為軌模伏請改換從之廣業案

是年改顯德殿為明德殿顯福門改為明福門王詳通鑑

武德八年太宗既位于顯德殿後元宗受朝于武德殿皆

在東宮則是改顯為武而冊府元龜又言武德初改為章

皇朝旦本名旭輪瑞臨第武后立為帝尋降長安志宣平坊法  
聖尼寺初名法輪寺睿宗在儲政

皇太子憲本名成器避昭成太后諡改睿宗文明元年立

長子

新書傳立後武后更冊為皇孫尋降王壽春睿宗反正將  
建東宮以憲嫡長又嘗為太子而楚王有功故久未定憲  
辭曰儲副天下公器時平先嫡國難先功重社稷也使付  
託非人海內失望涕泣固讓乃立楚王為皇太子元宗追  
謚讓皇帝 集古錄云唐書列傳裴光庭卒賜謚忠憲今  
張九齡神道碑及題額皆為忠獻廣業案是碑元宗御書  
憲字避讓皇帝諱而改非實謚獻也光庭祖仁基謚忠父  
行儉謚獻光庭不應兼而有之張九齡集文苑英華新唐  
書作忠憲是也

皇太子隆基

唐睿宗子

唐隆元年立

通鑑注先天元年趙

州盈隆縣避太子名改盈川

皇太子瑛始名嗣謙改名鴻後復今名玢宗開元三年立以  
諱廢死寶應元年追贈皇太子 新書薛登為太子賓客  
本名謙光以與皇太子同詔賜今名舊書登表請行字特  
勅賜名登

皇太子純

順宗嫡長子即憲宗

初封廣陵王貞元二十二年立時時詔

給事中陸淳

字伯仲

侍讀東宮避太子諱改名質監察御史

韋淳初不肯改聞陸淳改名不得已亦改處厚先是兵部  
尚書王紹本名亦與太子同冊禮將行紹上書請改名議  
者或非之曰皇太子亦人臣也東宮之臣當請改爾奈何

非其屬而遽請改名豈為以禮事上耶左司員外郎李藩  
字叔曰自古故事皆由不識大體之人敗之不可復正雖  
紹何誅詳唐書及冊府元龜

惠昭太子寧更名宙未幾復初名憲宗嫡長子元和四年立明年

薨舊書憲宗紀是年十月庚寅冊鄧王為皇太子新書傳冊

禮初用孟夏雨不克改至十月始克行禮而紀作閏三月丁卯冊立誤當從舊紀五年二月戊子

禮院奏東宮殿閣名及宮臣姓名與太子同者改之其上  
臺官列王官爵土無例輒改從之

附南唐太子宏本字懿冀子交泰元年立未幾卒

宋史洪擬鎮江丹陽人本姓宏其先有名璆者嘗為中書

今避南唐諱改今姓後復避宣祖諱遂因之歐史避宋諱  
但名冀

吳越孝獻世子宏

本字傳字

文穆子

十國春秋傳初梁

沙門寶誌銅碑記有真人在冀州開口張弓左右邊子子  
孫孫萬萬年自是南唐以宏冀名子而文穆諸子皆連宏  
字以應之宏傳所由名也 曹仲達本名宏達後避孝獻  
諱更今名仲達以武肅姪婿知政事文穆王重之每呼丞  
相而不名

宋

皇太子恒

太宗子  
即真宗

至道元年立以左丞李至侍郎李沆並兼



太子賓客詔特異其禮數每見必先拜至等上表不敢當詔不許皇太子又表讓宮僚稱臣許之

宋史

案自唐天祐以來立儲之禮廢已百年至是始舉行之大赦天下文武並賜級又慎選宮僚諭以盡心規誨可謂優隆矣但真仁二宗在東宮不久即登天位餘皆未及立欽宗之立仍如至道天禧故事而我馬生郊倉皇內禪諱避史絕無之南渡偏安宗枝入繼禮既簡疏諱亦無聞焉

昭成太子元僖初名德明改名天佑又改今名

太宗子

宋史淳

化二年度支判官宋沆等請立為皇太子不許尋薨贈皇

太子謚孝恭未幾停冊禮真宗復號改今謚無子其嗣孫  
宗保生子仲恕謚純僖廣業案仲恕為昭成嗣曾孫而謚  
犯祖名又兗王元傑嗣子宗望謚良僖為昭成之姪商王  
元份孫宗楚謚僖節為昭成之姪孫是三世之謚皆犯昭  
成之名亦太常之疎也

金

皇太子光英

宋史作光瑛

本名阿補又名趙六

海陵長子

天德四年立

海陵見害為完顏昂所殺 金史楊伯仁字安道初名伯  
英避太子諱改又改鷹坊為馴鷺坊以鷹隼字與英聲相  
近也改英國為壽國應國為杞國宋亦改光州為蔣州光

山縣為期思縣光化軍為通化軍 曾宏父石刻鋪叙淳  
化閣帖大觀更定第二卷後漢張芝下注云權場中來南  
者英字鏡去末筆廣業紫此避亮子光英諱宋史地志光  
州五光縣紹興二十八年避金太子光瑛諱改蔣州為山縣改期  
後復據此則大觀帖所有英字當於紹興末剗去也

莊獻太子守忠

宣宗子

金史楊行信先名行忠避莊獻太子

諱改廣業案歸潛志云張左丞行信字信甫先名行忠避  
末帝舊諱改末帝舊諱史無可考恐誤以莊獻為末帝而  
張楊氏異名同則又未知孰誤也

明

懿文太子標

太子祖嫡長子

洪武元年立

太祖實錄元至正二十

太祖

二年十二月丙寅命世子及諸王名親告太廟洪武三年  
定百官內官稱皇太子諸王曰殿下自稱名宮官國官稱  
臣上前稱皇太子某王十四年十月辛酉鄭相同請依古  
制凡啟事皇太子惟東宮官屬稱臣朝臣則否以見尊無  
二上之義詔下羣臣議翰林院編修吳沉言太子所以繼  
聖體而承天位者也尊敬之禮宜同從之曰知錄云歷代  
不稱臣之制至斯而變廣業案左傳僖十年狐突謂太子  
申生曰臣聞之神不歆非類民不祀非族君祀無乃殄乎  
是則宮官稱臣由來已久魏畧載鍾繇答太子書曰臣同

郡故司空荀爽時繇為相國而亦稱臣則其制亦不始明也政記云洪武中謚法皇后太子皆二字諸公侯及夷王亦二字親王一字皆太祖親定永樂初郡王始二字推之羣臣大約以二為常以一為特說者謂親王隆重如廟謚十六字歸重只在末一字以特為尊果爾則以後太子何以又加二字耶揔之聖人作法後人仍之不敢改畢竟以多為貴所謂一字王二字王者皆俗說也廣業案二字謚如景帝太子見濟謚懷獻憲宗太子祐極謚悼恭之類哀冲太子載基世宗長子明史傳載基生二月而殤與莊敬太子載壑並建寢園世宗紀嘉靖十二年八月皇子生不書名

廣業案哀冲之名不應上同宣廟疑史誤也

悼懷太子慈煊

熹宗第二子

明史不詳贈年熹宗紀天啓三年八

月五年十月俱書皇子生而不名太平縣志朱元育原名

避東宮諱故刪其兩旁曰育字長孺崇正辛酉舉人入

本朝仕兵曹主事

獻愍太子慈烺

莊烈帝嫡長子

崇禎二年立李賊陷京被虜賊敗走不

知所終或云與定王慈炯永王慈煥同遇害 漳州府志

林日瑞字廷輯詔安人萬厯丙辰進士初名烺以東宮諱

改名任甘肅巡撫禦賊死

見忠節門

日知錄云崇禎二年兵部

主客司負外賀烺以避皇太子名改名世壽又云有明之

制太子親王名俱迴避蓋失之不考故也然光宗為太子  
時河南府及商州屬縣並未嘗改在賀煥名廣業紫光宗母  
王太后本故宮人神廟私幸之而生故思禮俱從其薄又  
逼于鄭貴妃欲立福王為太子賴慈聖太后堅主立長始  
行冊禮其後浮議迭興至福王之國而事始定未幾復有  
挺擊之事是光宗雖在儲宮二十餘年日處危疑宜不暇  
為之避名也仁宗監國之日仁聲頗著其後諛間滋生以  
而始息故亦不聞有所避也